

文苑英華卷第二百八十六

詩一百三十六

晉別一

梁元帝二首

何遜一首

任昉一首

吳均五首

劉顯一首

劉孝綽一首

宗史一首

庾抱一首

賀力牧一首

孫萬壽一首

孔紹安一首

王勃三首

盧照隣四首

駱賓王三首

褚亮一首

崔融一首

陳子昂六首

宋之問四首



崔湜一首

張說四首

蘇頲一首

王維二首

孟浩然五首

杜甫三首

李白三首

祖詠二首

常建一首

別荊州吏目二首

梁元帝

寄言謝桀點無乃氣干雲安知灞陵下復有李將軍

二

莫言江漢遠烟霞隔數千何必黃丞相重應臨潁川

從鎮江州與遊故別

何遜

歷稔共追隨類聚一作遊一旦辭群匹復如東流水未有西歸日

夜雨滴空堦天曉類聚作晚燈暗離室相悲各罷酒何時更促

滕

別

任昉

離燭有強輝別念無終緒岐言未及申離白一作已先舉

揆景銜巫一作蕪阿臨風長秋渚浮雲難嗣音徘徊悵誰與

儻有關外驛聊訪狎鷗嶼一作鷺一作皆藝文類聚

贈別新林

一號為江潭怨

吳均

僕本幽并兒抱劍事邊垂風亂青絲絡霧染黃金羈天子

既無賞公卿竟不知去去歸去來還傾鸚鵡杯氣為故交

絕心為新知開但令寸心是何須銅雀臺

發湘洲贈親故別三首

前人

文苑英華 卷一百一十六
相送出江濼，淚下霑衣襟。何用叙離別，臨岐贈好音。敬通才如此，君山學復深。明哲遂無賞，文華空見沉。古來非一日，無事更勞心。

二

雲生曉霽，露霽花
落夜霏霏。問余何意別，答言倦遊歸。徒勞易水布，空負洛陽衣。懷金無人別，抱玉遂成非。安得久留滯，商山饒白薇。

三

君留朱門裏，我至廣江濱。城高望猶見，風多聽不聞。流蘋方繞繞，落葉向紛紛。無由得其賞，山川間白雲。

壽陽還與親故別

前人

故人來送別，悵酒臨行軒。露繁秋色慢，氣愴蟬聲煎。鴈渡草華國，葉辭洞庭天。復有向隅淚，中腸皆涕漣。但願千丈松，結景雲之峰。山高日華早，枝多風彩_疑重。我還愛芳杜，君住揖驪龍。

發新林浦贈同省

劉顯_{見類聚}

回首望歸塗，山川邈離異。落日懸秋浦，歸鳥飛相次。感物傷我情，惆悵懷親懿。

發建興渚示劉陸二黃門

劉孝綽_{見類聚}

扁舟去平樂，還顧極川梁。猶聞棗下吹，尚識杏間堂。洛橋分曲渚，官寺隱回塘。客行裁跬步，即事已多傷。况復千餘里，悲心未遽央。

別

宗史

別酒正參差乖情將陸離悵焉臨桂苑愍然瞻華池輕雲
流惠彩時雨亂清漪耿耿類聚追蘭徑悠悠結芳枝眷言
終可托心寄方在斯

別蔡參軍

庾抱

人世多飄忽清水易西東今日歡娛盡何年風月同悲生
萬里外恨起一杯中性靈如未失南北有征鴻

亂後別蘇州人

賀力牧

徘徊睇閭闔悵望極姑蘇慨矣嗟荒運悲哉惜霸圖子常
終覆郢宰詒遂亡吳石隕星方暗山焦川自枯周室京摧棧
樸漢社落粉榆宮毀無巢燕城空餘樂鳥茲邦號端委多

士自相趨照應同燕石光車等魏珠言離已惆悵念別更
踟躕若訪任公子求余東海隅

贈別

孫萬壽

昔我遊雲閣及爾謬同官高步參師友長裾接綺紈索居
方十載相思勞萬端不言今夕遇得盡故人歡酒隨彭澤
至瑟琴即武城彈高齋屏餘熱珍簟宿輕寒葉落霜威重
竦月色殘將歸動離恨彌傷行路難

別徐永元秀

孔紹安

金湯既失險玉石乃同焚墜葉還相覆落羽更為群豈謂
三秋節重陽千里分遠離傷絃易轉幽咽水難聞欲識相思
處山川間白雲

秋日奉別王長史公 北梁 王勃

別路千萬里深恩重百年空悲西候日更動北梁集作北京篇
野色籠寒霧山光斂暮烟終知難再奉懷德自潛然

別薛升華 樓臺 前人

明月沉珠浦秋風濯錦川樓臺集作關山臨絕岸洲渚亘長天
旅泊集作飄泊成千里樓違共百年窮塗唯有淚還望獨潛然

秋日別薛升華 前人

送送多窮路遑遑獨問津悲涼千里道悽斷百年身心事
同漂泊生涯共苦辛無論去與住俱是夢中人

西使兼孟學士南遊 盧照隣

地道巴陵北天山弱水東相看萬餘里共以疑一征鴻蓬

雨悲王粲清鐘別孔融徘徊聞夜鶴悵望待秋鴻骨肉胡
秦外風塵關塞中唯餘劔疑峯在耿耿氣成虹

還赴蜀中貽示京邑遊好 前人

蘂宿花初滿章臺柳向飛如何正此日還望集作喜昔多違
悵別風期阻將垂雲會稀歛衽辭丹闕懸津陟翠微野禽

喧戍鼓春草變征衣回顧長安道關山起夕霏

晚渡渭橋寄示京邑遊好 前人

我行背城闕驅馬獨悠悠寥落百年事徘徊萬里憂途遙
日向夕時晚鬢將秋滔滔俯東逝耿耿泣西浮長虹掩鈞

浦落鴈下星洲草變黃山曲花飛清渭流集作逆水驚愁

鷺騰沙起狎鷗一赴清泥道空思玄灞遊

從蜀還京贈別已見二百六十七卷

前人

秋日別侯四得彈字

駱賓王

我留安豹隱君去學鵬搏岐路分襟易帆潮集作風雪促膝難

夕漲流波急秋山落日寒唯有思鄉集作歸引悽斷為君彈

西行別東臺詳正學士

前人

意氣坐相親關河別故人客似秦川上歌疑易水濱塞荒

行辯玉臺遠尚名輪洩井懷邊將尋源重漢臣上苑梅花

早御溝楊柳新祗應持此曲別作邊城春

別李嶠得勝字

前人

芳樽徒自滿別恨轉難勝客似遊江岸人疑上灞陵寒更

承夜永涼景向秋澄離心何以贈自有玉壺冰

晚別樂記室產

褚亮

窮途屬歲晚臨水忽分悲抱影同為客傷情去共此時霧色

侵虛牖霜氛冷薄帷舉袂慘將別停杯悵不怡風嚴征鴈

遠雪暗去蓬遲他鄉有岐路遊子欲何之

留別杜審言并呈洛中舊遊

崔融

班班班鬢今為別紅顏集作塵昨共遊年年春不待處處酒相留

駐馬西橋上回車南陌頭故人從此隔風月坐悠悠

落第西還別魏四慄

陳子昂

轉蓬方不定落羽自驚弦山水一為別歡娛復幾年離亭

暗風雨征路入雲烟還因北山逕歸守東陂田以下六篇並見集本

以下六篇並見集本

落第西還別劉祭酒高明府

前人

別館分周國歸驂入漢京地連函谷塞川接廣陵

集作陽城

望迥樓臺出途遙烟霧生莫言長落羽貧賤一交情

春夜別友人二首

前人

銀燭吐青烟金樽對綺筵離堂思瑟瑟別路遶山川明月

隱高樹長河沒曉天悠悠洛陽道此會在何年

二

紫塞白雲斷青春明月初對此芳罇夜離憂悵有餘清冷

花露滴滴瀝簷宇虛懷君欲何贈願上大臣書

送州南江別鄉里

集作故人

前人

楚江復為客征棹方悠悠故人憫追送置酒此南州平生

亦何恨夙昔在林立遠此鄉山別長謠去國愁

別李參軍崇嗣

前人

四十九變化一十二死生翕忽玄黃裏驅馳風雨情是非

紛妄作寵辱坐相驚至公

集作人

獨幽覽窈窕隨昏明咫尺

山河道軒輿日月庭別離焉足問悲樂固能弁我輩何為

爾栖遑猶未平金臺可攀陟寶蓋絕將迎戶牖觀天地階

基上杳冥自超三界樂安知萬里征中國要荒內人寰宇

宙繁茲望如朝夕寧嗟蜀道行

留別之望舍弟

宋之問

同氣有三人分飛在此晨西馳巴嶺徼東去汶陽濱強飲

離前酒終傷別後神雖

集作誰

憐散花萼獨赴日南春

漢江宴別

前人

漢費不分天舟移杳若仙秋虹映晚日江鶴弄晴烟積水
浮冠蓋搖風逐管絃嬉遊不可極留恨此山川積水集作

積水

端州別袁侍郎

前人

合浦塗未極端溪行暫臨淚來空泣臉愁至不知心客醉
山月淨猿啼江樹深明朝共分手之子愛千金

渡吳江別王長史

前人

倚棹望茲川銷魂獨黯然鄉連江北樹雲斷日南天鈞別
集作龍初沒書成鴈不傳離舟意無限催渡復催年

贈蘇少府赴任江南余時還京 崔湜

丈夫不歎別達士自安卑攬泣固無趣銜杯空爾為流雲

春窈窕去水暮逶迤行舟忽東泛歸騎亦西馳秦地多芳草
江潭有桂枝誰言阻遐闊所貴在相知

南中別王陵成崇

張說

握手與君別岐路贈一言曹卿禮公子楚媼饋王孫倏爾
生六翮翻飛戾九聞常懷客鳥意會谷主人恩以下五篇並見集本

以下五篇並見集本

石門別楊六欽望

前人

燕人同窳越萬里自相哀影響無期會江山此地來暮年
傷汎梗累日慰寒灰潮水東南落浮雲西北迴俱看石門
遠倚棹兩悠集作悲哉

端州別高六戩

前人

異壤同羈窳途中喜共過愁來時舉酒勞罷或長歌南海
風潮壯西江瘴癘多於馬復分手此別傷如何

南中別蔣五向青州已見二百六十七卷 前人

南中別陳七李十 前人

二年共遊處一旦各西東請君聊駐馬看我轉征蓬畫鷁
愁南海離駒思北風何時侶春鴈雙入上林中

陳倉別隴州司戶李惟深 蘇頲

京國自携手同途欣解頤情言正的的春物宛遲遲忽背
雕戈星疑旋瞻獲寶祠蜀城余出守吳岳爾歸思歡愜更

傷此春殷殊念茲揚麾北林徑跂石南澗湄中作壺觴餞
回添道路悲數花臨磴日百草覆田時有美同人意無爲

行子辭高歌拔劍起吾是答恩私

晉別溫古上人兄并示弟紹 王維

解薛登天朝去時集作師偶將集作時誓豈唯山中人兼負松

上月宿昔同遊止致身雲霞末開軒臨穎陽卧視飛鳥沒

好依盤石飯屢對瀑泉歇一作渴理齊狎小隱道勝寧外物

舍弟官崇高宗兄比削髮荆扉但灑掃乘閑當過拂集作歇

晉別丘爲 前人

歸鞍白雲外繚繞出前山今日又明日自知心不閑親勞
簪組送欲趨鸞花還一步一回首遲遲向近關

將適天台晉別臨安李主簿 孟浩然

枳棘君尚栖匏瓜吾豈繫誰念離亭下集作當夏淡一作飄泊指

炎裔江海非情遊 田園失歸計空山既早發漁浦亦宵濟
汎汎隨波瀾行行任鱸棹故林日已遠群木坐成翳羽人
在丹丘吾亦從此逝

東京留別諸公

前人

吾道昧所造驅車還向東主人開舊館晉客醉新豐樹繞
溫泉綠塵遮曉日紅拂衣從此去高步躡華嵩

留別王侍御

前人

寂寂竟何待朝朝空自歸欲尋芳草去惜與故人違當路
誰相假知音世所稀祗應守索宮天還掩故園扉

遊江西留別富陽裴劉二少府 前人

西上遊江西臨流恨解携千山疊成障萬水瀉為溪石淺

流難泝藤長險易躋誰憐問津客歲晏此中迷

適越留別譙縣張主簿申屠少府 前人

朝乘汴河流夕次譙縣界幸因集作西風吹得與故人會

君學梅福隱予隨集作伯鸞適別後能相思浮雲去集作

吳會

暮秋將歸秦留別湖南幕府親友 杜甫

水濶蒼梧晚集作天高白帝秋途窮那免哭身老不禁愁

大府才能會諸公德業優北歸衝雨雪俱集作繁弊貂裘

留別嚴賈二國老兩院遺補諸公 前人

田園須暫往戎馬惜離群去遠留詩別愁多任酒醺一秋

常苦雨今日始無雲山路晴吹笛集作那堪處處聞

別董頴

前人

窮冬急風水逆浪開帆難士子其旨闕不知道里寒有求
彼樂土南適小長安到我舟楫去覺君衣裳單素聞趙公
節兼畫賓主歡已結門廬望無令霜雪殘老夫纜亦解
粟朝未食飄蕩甲兵際幾時懷抱寬漢陽頗寧靜峴首試
考槃當念著白帽采微青雲端

夜別張伍

李白

吾多張公子別酌醑高堂聽歌舞銀燭把酒輕羅霜橫笛
弄秋水集作琵琶彈陌桑龍泉解錦帶為爾傾千觴

江夏別宋之悌

前人

楚水清若空遙將碧海通人分千里外與在一杯中
吟晴日江猿嘯晚風平生不下淚於此泣無窮

出金門後書懷畱別翰林諸公 前人

好古笑流俗素聞賢達風方希佐明主長揖辭成功白日
在青天回光照微躬恭承鳳凰詔欵起雲羅中清切紫霄
迴優游冊禁通君王賜顏色聲價凌烟虹乘輿擁翠蓋扈
從京城東寶馬麗絕景錦衣入新豐倚巖望松雪對酒鳴
絲桐因學揚子雲獻賦甘泉宮天書美片善清芬播無窮
歸來入咸陽談笑皆王公一朝去金馬飄落成飛蓬賓從
日踈散玉樽尋已空才力猶可倚不慙世上雄閑作東武
吟曲盡情未終書此謝知己滄浪集作尋釣翁

畱別裴聰盧象

祖詠

朝來已握手宿別更傷心
灞水行人渡商山驛路深
故情君且足謫宦我難任
直道皆如此誰能淚滿襟

歸汝墳山莊晉別盧象
前人

淹留歲將晏夕廢南山期
舊業不見棄還山從此辭
漚麻入南澗刈楚向東菑
對酒雞黍熟閉門風雪時
非君一延首誰慰遙相思

潭州留別
常建

賢達不相識偶然交已深
宿帆謁邵佐悵別依禪林
湘水流入海楚雲千里心
望君杉松夜山月清猿吟

校正五十九字
五月二十一日

文苑英華卷第二百八十六
詩一百三十七

晉別二

崔國輔一首

王昌齡七首

高適二首
劉長卿十三首

李頎一首
包何一首

李嘉祐二首
錢起二首

即三元三首
皇甫冉一首

顧況二首
耿緯三首

李端一首
盧綸三首

嚴維一首
戴叔倫七首

權德輿二首
朱放二首

劉復一首

陳存一首

鮑溶一首

清水西別李參

崔國輔

人錄尚書事家臨御路傍鑿池通渭水避暑借明光淑媛
妻封邑軒車子拜即寵榮因掖裏勢極必相亡

晉別武陵袁丞

王昌齡

皇恩慙暫遷謫待罪逢知己從此武陵谿集作派舟二十里
桃花遺古岸金澗流春水誰識馬將軍忠貞抱生死

晉別岑參兄弟集作昆仲

前人

江城建業樓山盡滄海頭副職守茲縣東南棹孤舟長安
故人宅秣馬經前秋便以風雪暮還為縱飲晉貂蟬七葉

賁鴻鵠萬里遊何必念鍾鼎所在京一作肥牛為君嘯一

曲且莫彈空篴徒見枯者艷誰言直如鈞岑家雙瓊樹騰

光難為儔誰言青門悲俯期吳山幽日西石門嶠月吐金

陵洲追隨探一作採靈恠豈不驕王侯

東京府縣諸公與慕母其潛李頎相送至白馬寺

前人

勒集作鞍馬上東門徘徊入孤舟賢豪相追送即棹千里流

赤集作遠岸落日在空波微烟收官集作宦薄亡機括醉來即

淹番月明見古寺林外登高樓南風開長廊夏夜如涼秋

江水照吳縣西歸夢中遊

晉別伊闕張少府郭大都尉

前人見集本

僊客就一醉主人空金壘江湖青山底欲去仍徘徊郭侯
未相識策馬伊川來把手相勸勉不應老塵埃孟陽蓬山
舊仙館留清才日晚歡取別風長雲遂開幸隨板輿遠負
諱何憂哉唯有忠信者音書報雲雷

岳陽別李十七越賓

前人

相逢楚水寒舟在洞庭驛具陳江波事不異淪棄跡杉上
秋雨聲悲切薰葭久彈琴收餘響來送千里客平明孤帆
心歲晚濟代策時在身未克蕭湘不盈盡疑湖小洲渚聯
澹淡烟景碧魚鱉自有性龜龍無能易謹黜同所安風土
任所適閉門觀元化携手遺損益

山中別龐十

前人

幽娟松篠徑月出寒蟬鳴散髮卧其下誰知孤隱情吟時

白集作碧

雲合酌罷

集作酌

玄潭清瓊樹方杳靄鳳兮保其真

緱氏尉沈興宗置酒南溪留贈

前人

林色與溪古深篁引幽翠山樽在漁舟棹月清已醉始窮
清源口壑絕人境異春泉滴空崖萌草坼陰地久之風榛
疑寂遠聞樵聲至海鴈時獨飛未然滄洲意古時青冥客
滅跡淪一尉吾子躊躇心豈其紛埃事緱岑信所尅濟北
余乃遂齊物可任今息肩理猶未卷舒形性表晚略賢哲
議仲月期角巾飯僧高陽寺

留別鄭三韋九萼洛下諸公

高適

憶昨相逢論久要顧公君哂我輕高調羈旅須同白社遊詩

書已得詩選作青雲料蹇步蹉跎竟不成年過四十尚躬

耕長歌達士集作杯中物大詩選笑前人身後名幸逢明

盛多招隱高山大澤徵求盡此時也集作得辭漁樵青袍

裏身荷聖朝犁牛詩選作釣竿不復見縣人邑吏來相邀

遠路鳴蟬秋興發華堂美酒離憂銷不知何日更携手應

念玆辰去去遙詩選作去折腰

平臺夜遇李景參有別已見二百前人

赴新安別梁侍御 劉長卿

新安君莫問此路水雲深江海無行迹孤舟何處尋青山

空向淚白日豈知心縱有餘生在終傷老疾病侵

案覆後赴睦州贈苗侍御 前人

地遠心難達天高謗易成羊腸雷覆轍虎口脫餘生直氏

偷金枉于家決獄明一言知己重片義殺身輕日下人誰

憶天涯客獨行年光銷蹇步秋氣入衰情建德知何在長

江問去程孤舟百口淚萬里一猿聲落日看鄉路空山向

郡城豈令冤氣積千古在長平

赴宣州使院夜宴寂上人房雷辭前蘇州韋使君

前人

白雲乖始願滄海有微波戀舊常趨府臨危欲負戈春歸

花殿暗寒傍竹房多可耐幾心息其如羽檄何

湖南使還雷辭辛大夫 前人

王師勞近甸兵食仰諸侯天子無南顧元勳在上游大才

生間氣盛業拯橫流風景隨搖筆山川入運籌羽觴交餞
席旄節對歸舟鷺識春深恨猿知日去愁別離花寂寂南
北水悠悠唯有家將國終身共所憂

江州晉別薛六柳八二員外 前人

江海逢君少東南別處長獨行風嫋嫋相去水茫茫白首
辭同舍青山背故鄉離心與潮信每日到潯陽

曲阿對月別岑況徐說 前人

金陵已蕪沒函谷復烟塵猶見南朝月還隨上國人白雲
心自遠滄海意相親何事須成別汀洲欲暮春

長沙桓王墓下別李紆張南史 前人

長沙千載後春草獨萋萋流水朝空 集作暮行人東復西
碑苔幾字滅山木萬株齊未有年芳在 集作佇立
相看惜

解携

此詩三百六卷重出今已削去

雨中過員稷巴陵山居贈別 前人

憐君洞庭上白髮向人垂積雨悲幽獨長江對別離牛羊
歸故道猿鳥聚寒枝明發遙相望雲山不可知

別陳晉諸公 前人

戀此東道主能令西上遲徘徊暮郊別惆悵秋風時上國
邈千里夷門難再期行人望落日歸馬嘶空陂不愧寶刀
贈唯懷瓊樹枝音塵儻未接夢寐徒相思

晉別嚴士元 見二百七十卷 前人

赴南邑集作中 晉題別褚七少府湖上亭見三百十五卷

前人

穎川晉別司倉李萬

前人

故人早負干將器誰言未展平生意想君疇昔高步時豈

集作肯料如今折腰事且知投刃皆若虛日揮案牘常有餘

槐暗公門趨小吏荷香陂水膾鱸魚客裏相逢款話一作語

深如何岐路剩沾襟白雲西上催歸念穎水東流是別心

落日征驂隨去塵含情揮手背城闈已恨良時空此別不

堪秋草傷集作更愁人

昔昔鹽

薛道衡

垂柳覆金堤靡蕪葉復一作正齊水溢芙蓉沼花飛桃李蹊

採桑秦氏女織錦賈家妻關山別宕子風月守空閨恒歛

千金笑長垂雙一作白玉蹄盤龍隨鏡隱彩一作舞鳳逐幃一作

雲低飛一作驚魂同夜一作野鵲倦寢憶晨雞暗牖懸蛛網空

梁落燕泥前年過代北今歲往遼西一去無消息一作還意那

能惜馬蹄

右此篇文苑英華題作劉長卿別宕子怨長卿集初

無此篇而郭茂倩樂府及洪邁容齋續筆並以爲薛

道衡昔昔鹽鹽按通鑑隋煬帝誅道衡曰更能作空梁

落燕泥否英華殆因韋毅編唐才調集作劉長卿詩

而誤也其間八字異同已注一作邁又云玄恠錄載

蘧蔭三娘工唱阿鵲鹽又有突厥鹽黃帝鹽白鶴鹽

以石不書改

神雀盃踈勒盃滿座鹽歸國鹽唐詩媚賴吳娘唱是
盃更奏新聲刮骨盃然則歌詩謂之鹽者如行吟曲
引之類今南嶽朝獻神樂曲有皇帝鹽而俗傳以為
皇帝炎長沙志從而書之蓋不可考也然邁既謂才
調集有趙嘏廣道衡燕泥一詩不應以趙為劉長卿
云愚意此詩但當以綱目為證則其為薛道衡之作
無疑矣

留別王盧二拾遺

李頎

此別不可道此心當報誰春風灞水上飲馬桃花時誤作
好文士只令遊宦遲留書下期疑客我故有山期

婺州留別鄧使君

包何

西掖馳名久東陽出守時江山婺女分風月隱侯詩別恨
雙溪急留歡五馬遲迴舟映沙嶼未遠剩相思

常州韋郎中汎舟見餞

李嘉祐

主人憑軾貴送客汎舟稀逼岸隨芳草回橈背落暉映花
雙節駐臨水伯勞飛醉與羣公狎春塘露冕歸

留別毗陵諸公

前人

久作涪一作峯陽令卅堦忽再還淒涼辭國澤離亂到鄉山
北固潮聲滿南滁草色閑知心從此別相憶鬢毛斑

晚歸藍田酬中書常舍人贈別 錢起

卑栖却得性每與白雲歸徇祿仍懷橘看山免采薇暮禽
先去馬新月待開扉霄漢時回首知音青瑣闥

明鈔本下空五行

鑿駕避狄歲寄別韓雲卿

前人

白髮壯心死愁看國步移關河慘無色親愛忽驚離影絕
龍分劍聲哀鳥戀枝茫茫海雲外相憶不相知集作所嗟黃鶴
去遠斷綠雲垂

留別鄭礪

即士元

暮蟬不可聽落葉豈堪聞是日悲秋客那能此路分荒城
背流水遠鴈入寒雲陶令東籬菊餘花可贈君

別房士清

前人

世路還相見偏堪淚滿衣那能郢門別獨向鄴城歸平楚
看蓬轉連山望鳥飛蒼蒼歲陰暮况復惜馳暉

咸陽西樓別竇審

前人

西樓廻起寒原上霽日遙分萬井間小苑城隅連渭水離

宮曙色近京關亭臯寂寞傷孤客雲雪蕭條蒲衆山時命
如今猶未偶辭君擬欲拂衣還

潤州南郭郡留別

皇甫冉

縈回楓葉岸留滯木蘭橈吳岫新經雨江天正落潮故人
勞見愛行子自無聊君疑作若問前程事孤雲入剡遙

贈別崔十三長官

顧况

真玉燒不熟寶劍不折欲別崔俠心如鐵復如
金剛鑽無有功不徹仍於直道中行事不詆訐崔俠兩兄

弟垂範繼芳烈相識三十年致書字不滅我來宣城郡飲
水仰清潔藹藹比阜松峩峩南山雪顧生歸山去知作幾

年別

別江南

前人

江城吹曉角愁殺遠行人漢將猶防虜吳官欲向秦布帆
輕白浪錦帶入紅塵將底求名宦平生但任真

贈別安邑韓少府

耿緯

子真能未往集作自往江海意何如門掩疎塵吏心閑說道集

道書故城集作古城寒欲雪遠客暮暮無車杳杳思前路誰堪千

里餘

別鮮明府

集作別解縣鮮明府

暮霏

集作暮歸

前人

閑人州縣厭賤士友朋譏朔雪逢初下秦關獨暮霏集作暮歸

寒蕪上原淺殘燒過風微一路何相慰唯君能致歸集作政稀

邠州留別

前人

終歲山川路生涯竟幾何艱難為客憤貧賤受恩多暮角

飄長韻寒流起細波懸愁茂陵宅春色又相過

歸山與酒徒別

李端

野客本無意此來非有求煩君徵藥送未遜集作未免憶山愁

紅燭侵明月青娥促白頭童心久已盡豈為豔歌愁集作留

春日書情贈別司空曙

已見二卷五十五卷

盧綸

落第後歸山下舊居留別劉起居昆季 前人

寂寞過朝昏沉憂豈易論有時空卜命無事可酬恩寄食

依隣里成家望子孫風塵知世路衰賤到君門醉裏因多

感愁中欲強言花林逢廢井戰地識荒園悵別臨清野悲

春上古原鳥歸山外樹人過水邊村潘岳方稱老稽康太

集作無事

厭喧誰堪將落羽回首仰飛翻

將赴京晉別令公

前人

沙鶴驚野雨初收

集作驚鳴野雨收

大河雲

集作風

物颯然秋力微

恩重諒難報不是行人不解愁

集作驚野雨初收

集作雲物風物

晉別鄒紹劉長卿

嚴維 附見劉長卿集

中年從一尉自歎此身非道在

集作薄

其微祿時難耻息機

晨趨本郡府晝掩故山扉待得

集作見

干戈畢何妨更採薇

晉別道州李使君圻

戴叔倫

瀧路下丹徼郵童揮畫橈山回千騎隱雲

詩選作雪

斷雨鄉遙

漁滄擁寒潘畚田落遠燒維舟更相憶惆悵坐空

詩選作通宵

將遊東都晉別包諫議

集作將遊東陽留別包諫議

前人

衰容慙墨綬素舸逐秋風雲雨恩難報江湖意已終縣當

仙洞口終出故園東唯有新離恨長留晉夢寐中

灞岸別友

前人

車馬去遲遲離言未盡時看花一醉別會面幾年期樵路

高山館漁洲楚帝祠南登回首處猶得望京師

江南別

一作汝南逢

董校書

已見二百十八卷

前人

臨川從事還別崔法曹

前人

謬官辭獲免濫獄會平反遠與故人別龍中望所言陰天

寒不雨古木夜多猿老病北歸去餘年學灌園

海上別薛舟

前人

行旅悲搖落風波厭別離客程秋草遠心事故人知暮鳥

翻江岸征徒起路岐自應無定所還似欲相隨

婺州路別錄事

前人

府中相見少江上獨行遙會日起離恨新年別舊寮春雲猶伴雪寒渚未通潮回首羣山暝思君轉寂寥

酬別蔡十二見贈

權德輿

伊人茂天爵恬澹卧郊園傲世方隱几說經久韻門浩歌
曳柴車詎羨丹轂尊嚴霜被鷄衣不知狐白溫游心義文
際愛我相討論黃河行忽朝宗傳騎令載奔崢嶸歲陰晚愀
愴離念繁別館絲桐清寒郊烟雨昏中飲見逸氣縱談窮
化元一作看分車起赴聖代待乞言

餘干贈別張二十二侍御

前人

蕪城陌上春風別干越亭邊歲暮逢驅車又愴南北路逐
照寒江千萬峰

毗陵留別

朱放

別離非一處此處最傷情白髮將春草相隨日日生

別李季蘭

前人

古岸新花開一枝岸傍花下有分離莫將羅袖拂花落更
是行人腸斷時

出三城留別幕中三判官

劉復

翔禽記高柯倦客念主人恩義有所加四海同一身况皆
曠代姿翰音及良辰陳規佐武略高枕據要津嘗疑作願
投素誠今果得所申金壘列四座廣厦無炎氛昔連徂暑

中觀望歷數旬河山險以固士卒勇且仁飾裝告來歸相
送越城闔愧無清玉案緘佩永不泯

楚州贈別周愿侍御

陳存

漂泊楚水來捨舟坐高館途窮在中路孤征暮前伴風雨
一番宿關山去欲懶淮南木葉飛夜聞廣陵散

留別杜員外式方

鮑溶

東風吹旅懷鄉夢無夜無慙嘆集作見君子堂貧思上歸途

海岳汎念深涓塵復何須婆娑不材木屈曲無弦弧惻惻
奉離樽承歡獨向隅時當鳳來日孰用雞鳴夫回首九仙
門皇家在玉壺燕非海人別淚下不成珠

文苑英華卷第二百八十七

校正一百四十七字五月廿三日

文苑英華卷第二百八十八

詩一百三十八

留別三

釋靈一三首

釋護國一首

釋法寰一首

釋皎然一首

楊衡三首

歐陽詹二首

韓愈二首

孟郊四首

張籍四首

白居易三首

姚合一首

于武陵一首

盧肇一首

賈島六首

朱慶餘一首

釋無可一首

周賀二首

溫庭筠三首

文苑英華卷第二百八十八

留別

許渾四首

項斯一首

顧非熊一首

馬戴八首

趙嘏五首

喻垣之一首

陳陶四首

鄭谷四首

杜荀鶴四首

張喬一首

張蠡二首

羅隱二首

留別忠州故人

釋靈一

一身無定處萬里獨銷魂芳草迷歸路春流滴淚痕幾時
休旅食何夜宿江村欲識相思苦空山啼暮猿

贈別皇甫曾

前人

幽人從遠岳過客愛春山高駕能相送孤遊且未還紫苔
封井石綠竹映柴關若到雲峯外齊心去住間

歸岑山留別

前人

禪客無心憶薜蘿自然行徑向山多知君欲問人間事始
與浮雲共一過

別盛安

釋護國

情人取次幾淹留別後南州與北州月色為憐今夜客砧
聲却似去年秋欲除豺虎論三畧莫對雲山詠四愁親故
相逢且借問古來無種是王侯

別盧使君歸故柵村

釋法震

歸風白馬引嘶聲落日猶堪楚興情塞口竹綠空戍沒潮
頭沙擁慢岡成松田且欲親耕種郡守何偏問姓名東道

宿程投故柵依依漁父解相迎

別山并序

釋皎然

時因主人寄風溪蘭若與道士石脇風相隣禪僧仙師時
得道會至秋中值外緣有請別山懷舊遂有是詩

山翁亦好禪借我風溪樹採藥多秋逢汲泉有春渡幽僧
時相遇仙子或與晤自許戰勝心彌高獨遊步如何區中
事奪我林棲趣辭山下復上戀石行仍顧宿昔情或垂度
幾跡無誤松聲莫相誚此心冥去住

桂州與陳羽念別

楊衡

慘戚損志抱因君時解顏重款今夕念復在幾夕間碧桂
水連海蒼梧雲滿山茫茫從此去何路入秦關

夷陵郡內叙別

前人

禮娶嗣明德同牢夙所欽况蒙生死契豈顧逢高心鴈幣
任野薄恩愛緣義深同聲若鼓瑟合韻似鳴琴將迂空未
立就贅意難任皎月託言誓滄波信浮沉荆臺埋晨撒疑
巫渚疑宵襟憫憫百慮起田田萬恨深候更促徒侶先曉
徹夜禽燈彩疑寒風蟬思噪密林留念同心帶贈遠芙蓉
簪撫懷極投添感物重黃金分鸞豈遐阻別劍念相尋儻
甘蓬戶賤願俟故山岑

將之荊州南與張伯岡馬物鍾陵夜別前人

荆臺別路長密緒分離狀莫訴杯來促更籌屢已倡燭花
侵霧暗瑟調含風亮詎念曉帆開默聯參差浪

蜀中將歸留辭韓相公

歐陽詹

寧體則雲構方前恒玉食貧居豈及此要自懷歸憶在夢
關山遠如流歲華逼明晨首鄉路迢迢孤飛翼

江夏留別華二

集作別辛三十時自襄陽同舟而下予歸關華集作辛從此赴舉

前人

彌棹已傷別不堪離緒催十年一心人千里同舟來鄉路

我

集作予

尚遙客遊

集作程

君未回將何慰兩端未免

集作臨互勉

岐杯

醉中留別襄州李相公

韓愈

濁水汙泥清路塵還曾同制掌絲綸眼穿長訝鱗魚斷耳

熱何辭數爵頻銀燭未銷窓送曙金釵半醉

一作墜

座添春

知公不久歸鈎軸應許閑官寄病身

此詩二百五十七卷重出今已削去註異同為一作

韶州留別張使君

前人

來往再逢梅柳新別離一醉綺羅春久欽江物忽文才妙自
漢虞翻骨相屯鳴笛急吹催落日清歌緩送感人行已知
奏課當徵拜那復淹留詠白蘋

汴州留別韓愈

孟郊

不飲濁水瀾空滯此汴河坐見繞岸冰盡為還海波四時

不在家弊服斷線多遠客獨顛顛春英各婆娑荒陂

集作汴水

饒曲流野桑無直柯但為君子心歎息將匪他

下第東歸留別長安知己

前人

共照日月影獨爲愁思人豈知鷓鴣鳴瑤草不得春一片
兩片雲千里萬里身雲歸嵩之陽身寄江之濱棄置復何
道楚情吟白蘋

長安留別李觀韓愈因獻張徐州 前人

富別愁在顏貧別病銷骨懶磨舊銅鏡畏見新白髮古樹

春無花子規啼有血離絃不堪聽一聽三四裂集作四世

途非一險俗慮有文粹千結有客步大方驅車獨迷轍故

人韓與李逸翰雙皎潔哀我摧折歸贈詞縱橫設徐方國

東樞元戎天下傑襤生投刺遊王粲吟詩謁高情無遺照

朗抱開曉月有土不埋冤有讐皆爲雪願爲直草木未向

君地列願爲古琴瑟永向君聽發欲識丈夫心曾將寶集

孤劍說

怨別

前人

一別一回老志士髮白早在富易爲容居貧難自好沉憂

損性靈服藥亦枯槁秋風客集作子衣落日行遠道問君

去何之賤身寧集作自保

襄州集作別友

張籍

晚集作色荒城下相看秋草時獨遊無定計不欲道歸集

來期別處去家遠愁來集作驅馬遲歸人渡烟水葉落集

映野棠枝

春日留別

前人

遊人欲別離醉復看花枝看却春又晚莫輕年少時臨行

記分處回首是相思各向天涯去重來未有一一作期

留別江陵王少府

前人

迢迢山上路病客獨行遲况此分襟日一作處當君失意時
寒林路遠驛晚燒過荒陂別後空回首相逢未有期

蘇州江岸留別樂天

前人集無

銀泥裙映錦障泥畫舸停橈馬簇蹄清管曲終鸚鵡語紅
旂影動薄寒嘶漸消酒色朱顏淺欲語離情翠黛低莫忘
使君吟詠處汝墳湖北武丘西

鄧州別王七使君

白居易

昔時詩狂客今為酒病夫強吟翻悵望縱醉不歡娛鬢髮
三分白交親一半無鄧城君莫歇猶較近京都

別高蘄

前人

百年愁裏過萬感醉中來惆悵城西別愁眉兩不開

留別微之

前人

千時久與本心違悟道深知前事非猶厭勞形辭却印那
能趁伴著朝衣五千言裏教知足三百篇中勸式微少室
雲邊伊水畔比君較老合先歸

別友人集作別李餘

姚合

病僮將瘦馬難筭往來程野寺僧相送河橋酒滯行足愁
無道性久客會人情何計羈集作窮貧盡同居不出城

夜與故人別

于武陵

白日去難駐故人非舊容今宵一別後何處更相逢過楚

此白詩也誤列張詩末

水千里到秦山萬集作幾重話一作語來天未一作又曉月落滿

城鍾 一作皆詩選

別宜春赴舉 盧肇

秋天草木正蕭疎西望秦關別舊居筵上芳罇今日酒篋

中黃卷古人書辭鄉且伴集作離山且作街蘆鴈入海終為戴角

魚長短九霄飛直上不教毛羽落空虛

留別徐明府 賈島

抱琴非本意生事偶相縈口尚袁安節身無子賤名地寒

春雪盛山淺夕風輕百戰餘荒野千夫漸藕耕一杯宜獨

夜孤客戀交情明日疲驂去蕭條過古城

二月晦留別鄂中友人 前人

立馬柳花裏別君當酒酣春風漸向北雪鴈不飛南明曉

日初一今年月已三鞭羸去暮色遠岳起烟嵐

却赴南巴留別蘇臺知己 前人

人集作又過梅嶺上歲歲北風寒集作枝落落日孤舟去青山萬

里看猿聲湘水靜草色洞庭寬已料生涯事集作唯只應持

集作把釣竿

劉長卿曾貶南巴尉此詩已載本集今英華誤作

賈島詩

下第別人 前人

下第鬢毛蒼徘徊懸帝鄉鶯聲寒食後人醉曲江傍淚落

故山遠病來春草長知音豈易別孤棹復三湘

留別光州王使君

前人

杜陵千里外期在末秋歸既見林花落須防木葉飛楚從
何地盡淮隔數峯微回首餘霞失斜陽照客衣

欲遊嵩岳留別李少尹

前人

孤策遲回洛水湄孤禽嘹唳集作唳幸人知嵩岳望中常待
我河梁欲上未題詩新秋愛月秋愁多兩古觀尋集作尋仙看

盡棋微眇此來將敢問鳳凰何日定歸期集作池

將之京別李侍御

朱慶餘

心疑作此地偶相見語多為別難詩成公府晚路入翠微寒
逢石自應坐有花誰共看唯當隨去鴈雪盡到長安

金州別姚合

釋無可

日日西臺上春流到夏殘言之離別易勉以道途難山出

一千里溪一作江行三百灘松間樓裏月秋入五陵看

辭杭州姚郎中

周賀

波濤千里隔抱疾亦難集作相尋會宿逢高士燒山值積霖

藜桑山店迴孤火海雲集作船深尚有重來約知無省閣心

京口別崔固

前人

積雨晴時近西風葉滿泉相逢嵩岳客共聽楚城蟬宿館
橫秋島歸帆漲遠田別君還寂寞不似剡中年

江上別友人

溫庭筠

秋色滿葭菼離人西復東幾年方暫見一笑又難同地勢
蕭陵歇江聲禹廟空如何暮灘上千里逐離鴻

與友人別

前人

半醉別都門含悽上古原晚風楊葉社寒食杏花村薄暮
牽離緒傷春憶晤言年芳本無限何況有蘭孫

曉別

前人

翠羽花冠碧樹溪未明先上短牆啼窓前謝女青娥歛門
外蕭郎白馬嘶殘曙微星當戶沒澹烟斜月照樓低上陽
宮裏鍾聲動不語堤邊過柳溪

留別常處士

見二百三十一卷

許渾

下第別友人楊至之

前人

花落水潺潺十年離故舊集作昨夜愁添白髮春淚感朱顏
孤劍北遊塞遠書東出關逢君話心曲一醉灞陵間

留別裴

集作劉

秀才

前人

三獻無功王有瑕更携書劍客天涯孤帆夜別瀟湘雨廣
陌春期鄴杜花燈照水螢千點滅棹驚灘鴈一行斜關河
迢遞秋風急望見鄉山不到家

瓜洲留別李詡

前人

泣玉三年一見君白衣顛顛更離群柳集作楊堤惜別春潮
落花榭留歡夜漏分孤館宿時風帶雨遠帆歸處水連雲
悲歌曲盡休重奏心遠關河不忍聞

省中留別

詩選作留別張籍郎中

項斯

省中重拜別兼領寄人書已念此程詩選作行遠不憂相問踈
禁詩選城西並宅御水北同渠要取春前到乘閑候起居

舒州酬別上卿

顧非熊

故交他郡見下馬失愁容執手向殘日分襟在晚鍾鄉心
隨皖水客路過廬峯衆惜君材器何爲滯所從

下第別令狐員外

馬戴

論文期雨夜飲酒及荒晨坐歎百花發潛驚霜鬢新舊交
多得路別業遠仍貧便欲辭知己歸耕海上春

將別寄友人

前人

帝鄉歸未得辛苦事羈遊別館一罇酒客程千里秋霜風
紅葉寺夜雨白蘋洲長恐此時淚不禁和恨流

留別定襄郡盧軍事

前人

行行與君別路在鴈門西秋色見邊草軍聲戍鼓擊銜杯

擊寶劔躍馬上荒堤歸去咸陽里平生心不迷

江行留別

見二百九十四卷

前人

攄情留別絳州從事

前人

淺學常自鄙謬承賢達知才希漢主召王任楚人疑年長
慙漂泊恩深惜別離秋光獨鳥逝暝色一蟬悲鶴髮生何
速龍門上苦遲彫虫羞朗鑒干祿貴明時故國誠難返青
雲致未期空將感激淚一自灑臨岐

下第別友人

前人

金門君待問石室我思歸聖主尊黃屋何人薦白衣年來
御溝柳贈別雨霏霏

下第別却夫

前人

文苑英華 卷一百一十五
窮途別故人京洛泣風塵在世即應老他鄉又欲春平生
空志學晚歲拙謀身靜話歸林計唯將滄海親

酬田卿送西遊

前人

華堂開翠簾惜別玉壺深客去當煩暑蟬鳴復此心廢城
喬木在古道濁河侵莫慮西遊遠西關絕隴陰

旅館聞鴈別友人

趙嘏

路遶秋塘首獨搔背群燕鴈正呼號故關何處重相失碧
落有雲終自高旅宿去緘他日恨單飛誰見此生勞行衣
濕盡千山雪腸斷金籠好羽毛

謹見

集作誰

別麻氏

前人

曉哭呱呱集作鳴鳴動四鄰於君我作負心人出門便涉東西

路集作便作東西水

回首初驚枕席塵滿眼淚珠和語咽舊窓風

月更誰親分離集作傷離况值花時節從此東風不似春

代人贈別

前人

月自斜窓夢自驚裏腸中有萬愁生清猿處處三聲盡碧
落悠悠一水橫平子定情詞麗絕詩人匪石誓分明會須
携手乘鸞去蕭史樓臺在玉京

留別

前人

水邊秋草暮萋萋欲駐殘陽去馬蹄曾是管絃同醉伴一
聲歌斷各東西

寒食新豐別友人

前人

一百五日家未歸新豐鷄犬獨依依滿樓春色傍人醉半

夜雨聲前計非繚繞溝塍含綠晚荒涼樹石向川微東風
吹淚對花落憔悴故交相見稀

留別友人書齋

喻坦之

相見不相睽一留日已西軒涼庭木太巷僻鳥巢低背俗
修琴譜思家話藥畦卜隣期太華同上上方梯

湓城贈別

陳陶

楚岸青楓樹長隨送遠心九江春水濶三峽暮雲深氣調
桓伊笛才華蔡琰琴迢迢嫁湘漢誰不重黃金

將歸鍾陵留贈南海李尚書

前人

楚國有田舍炎州長夢歸懷恩似秋燕屢遶玉堂飛越酒
豈不其海魚寧無肥山裘醉歌舞事與初心違曄曄文昌

公英靈世間稀仁江浩無際龍蜃皆歸依賤子感一言草
茅發光輝從來鷄鳥質得假鳳凰威常欲討玄珠青雲報
巍巍龍門竟多故雙淚別梓旂

贈別

前人

海國一尺綺冰壺萬縷絲以君西攀桂贈此金蓮枝高鳥
思茂林窮魚樂滂池平生握中寶無使歲寒移

贈別離

前人

碧王飛天星墜地王劍分風交合水揚柳聽歌莫向隅鷄
鳴一石留髡醉

一作

蹄輪送客溝水東月娥揮手唳嶽峯

蠻天列嶂儼相待風官掃道迎遊龍天姥剪霞鋪曉空滌
滌大帝開明宮文鯨掉尾四海通分明瀑布收靈桐山妖

水慙騎旋風厭夢驚魂黃瘴中借君朗鑒入崆峒靈光草
照閑花紅

別同志

鄭谷

所立共寒苦平生同與遊相看臨遠水獨自上孤舟天澹
滄浪晚風悲蘭杜秋前程吟此景爲子上高樓

贈別

前人

南遊曾共遊相別倍相留行色回燈曉離聲滿笛秋穩眠
彭蠡浪好醉岳陽樓明日逢佳景爲君成白頭

別修覺寺無本上人

前人

松上江雲石上苔自嫌歸去夕陽催山門握手無他語祇
約今冬看雪來

宗人作尉唐昌官署有幽勝而又博學精富得以言
談將欲他之留書於壁

前人

公堂瀟灑有林泉祇隔苔牆是渚田宗黨相親離亂世春
秋閑論戰爭年遠江驚鷺來池口絕頂歸雲過竹邊風雨
夜長同一宿舊游多共憶樊川

雪中別詩友

杜荀鶴

酒寒無小戶請滿酌行杯若待雪銷去自然春到來出城
人跡少向暮鳥聲哀未遇應關命侯門處處開

別從叔

前人

立馬不忍上醉醒天氣寒都緣在門久集作易直自集作似別
家難世路既如此客心須自寬歸期亦羈束集作江村爭

及向集作長安

辭座主侍郎

前人

一飯尚感懷况攀高桂枝此恩無處報故國遠歸時只恐
兵戈隔再趨門館遲茅堂拜親後特地淚雙垂

辭鄭員外入關赴舉

前人

男兒三十尚蹉跎未叙青雲一桂科在客易為銷歲月到
家難住似經過帆飛楚國風濤濶馬度藍關雨雪多長把
行藏信天道不知天道意如何

江南別友人

張喬

勞生故白頭白頭未應休闕下難孤立天涯尚旅遊聽猿
吟島寺待月上江樓醉別醒惆悵雲帆滿亂流

邊遊別友人

張蠟

欲別不止淚當杯難強歌家貧隨日長身病涉寒多雨雪
迷燕路田園隔楚波良時未自致歸去欲如何

將之京師留別親友

前人

達命何勞問西遊且自期至公如有日知我豈無時野迥
蟬相答堤長柳對垂酬歌一舉袂明發不堪思

商於驛與于韞玉話別

羅隱

多病仍踈拙唯君與我同帝鄉年共老江徼業俱空燕冷
辭華屋一作空蛩涼恨曉叢白雲高幾許全屬採芝翁

羅隱集中別有一篇其題目同而詩具今並載于此

南朝徐庾流洛下憶同遊酒採閑坊菊山登遠寺樓

相思勞寄夢偶別已經秋還被青青桂催君不自由
奉使宛陵別二三從事 前人

梁王雪裏有深知偶別家鄉隔路岐官品共傳勝曩日酒
杯爭肯認當時豫章地暖矜千尺越嶠天寒愧一枝還有
釣魚篋笠在不堪風雨失歸期

五月二十四日校於抱素書屋改正九十五字

文苑英華卷第二百八十八

文苑英華卷第二百八十九

詩一百三十九

行邁一

梁元帝三首

江洪一首

吳均二首

劉孝儀一首

劉孝威一首

王僧孺一首

朱超一首

陰鏗三首

庾信一首

顏之推一首

王褒一首

江惣一首

孔德昭一首

孫萬壽四首

陳子良二首

李百藥一首

王勃七首

楊炯二首

盧照隣四首

駱賓王十二首

席豫二首

陳子昂二首

沈佺期七首

早發龍巢

梁元帝

征人喜放溜曉發晨陽隈初言前浦合定覺近洲開不疑
行舫動唯看遠樹來還瞻起漲岸稍穩陽雲臺

自江州還入石頭

同前一作劉孝標

鼓柁浮大川遥睇維城觀維城何鬱鬱杳與雲霄半前望
一作青蒼龍門斜暉白鶴館槐垂御溝道柳綴金堤岸迅鳥

一作馬晨風趨輕輿流水散高唱一作歌梁塵下湘瑟翔禽亂

一作荆琴亂我思江海遊曾與朝市玩忽寄靈臺宿空軫及

關嘆仲子入南楚伯鸞出東漢何能栖樹枝取斃王孫彈

一作皆藝文類聚

赴荊州泊三江口

同前

涉江望行旅金鉦間綵遊水際含天色虹光入浪浮柳條
恒掃岸花氣盡薰舟叢林多故社單戍有危樓疊鼓隨朱
鷺長簫應紫駟蓮舟夾鶴斃畫舸覆緹油榜歌殊未息於
此泛安流

江行

江洪

日沒風光靜遠山清類聚作深無雲潮落晚洲出浪罷沙成文

挾琴上高岸望月彈明君去家未千里斷絕願離群

江上酬鮑畿

吳均見類聚

振棹出江湄依依望九嶷欲謁蒼梧帝過問沅湘姬折荷
縫作蓋落羽紡成絲吾行別有意不爲君道之

初至壽春作

前人

桓譚不賣

集作買

交馮子任紆直浮溺逐波彩飄揚恣風力

北州少知舊南陽寡相識中駕每傾輪當騫復

集作輒

摧翼

望美無津梁私自憐何極

帆度吉陽洲

劉孝儀

揚帆乘浪華參鼓要

類聚作噪鼓揚

風力近樹儵而遐遙山俄已

逼欲比擎龍掣將頓陽鳥翼客行悲道遠唯須前路極

同前

劉孝威

江風臨晚急鉦鼓候晨催幸息榜人唱聊望高帆開聯村

倏忽盡循汀俄頃圓疑是傍洲退似覺前山來將與圖南

競誰云勞沂泗

至牛渚憶魏少英

王僧孺

楓林暖似畫沙岸淨

一作靜

如掃空籠望懸石回斜見飛鳥

一作危島

綠草間遊蜂青葭集輕鷗

布老切鷗性不止樹

徘徊洞初月侵

淫漬

一作漬

春潦非願歲物華

一作華

徒用風光好

一作皆藝文類聚

夜泊巴陵

朱超

月夜三江靜雲霧四邊收淤泥不通挽寒浦劣容舟迴

類聚

作風折長草輕冰斷細流古村空列樹荒戍久無樓

和傅郎歲暮還湘州

陰鑑

蒼茫歲欲晚愁一作辛苦客方行大江靜猶浪扁舟獨且征

棠枯絳葉落一作盧蘆凍白花輕戍人寒不望沙禽回一作迴

未驚湘波若空一作各深淺輕棹一作空軫念歸情

一作皆藝文類聚

晚泊五洲

前人見類聚

客行逢日暮結纜晚洲中戍樓因碁險村路入江窮水隨

雲度黑山帶日歸紅遙然一柱觀欲輕千里風

渡青草湖已見一百六十三卷

前人

同州還

庾信

赤岸遶新村青城臨綺門新入相讓侯始出蕃上林

催檝響河橋爭渡喧窠雉飛橫問藏鳥入斷原將軍高宴

晚來過青竹園

顏之推

從周入齊夜渡砥柱

俠客重艱辛夜出小平津馬色迷關吏鷄鳴起戍人露鮮

華劍彩月照寶刀新問我將何去北海就孫賓

渡北河已見一百六十三卷王褒

并州羊腸坂

江惣見集本

三春別帝鄉五月渡羊腸本畏車輪折翻嗟馬骨傷驚風

起朔鴈落照盡胡桑關山定何許徒御慘悲涼

夜宿荒村

孔德昭

綿綿夕漏深客恨轉傷心無茲無人聽對酒時獨斟故鄉

萬里絕窮愁百慮侵秋草思邊馬遶枝驚夜禽風度谷餘

響月斜山半陰勞歌欲叙意終是白頭吟

行經舊國

孫萬壽

蕭條金闕遠悵望羈心愁舊邸成三徑故國餘一丘庭引
田家客池泛野人舟日斜山氣冷風近樹聲秋弱年陪宴
喜方茲幾獻酬修竹慙詞賦叢桂且淹留自忝無員職空
貽不調羞武騎非其好還思江漢遊

早發揚州還望鄉邑

前人

鄉關不再見悵望窮此晨山煙蔽鍾阜水霧隱江津洲渚
欽寒色杜宇變芳春無復歸飛羽空悲沙塞塵

東都在路率爾成詠

前人

學官兩無成歸心自不平故鄉尚千里秋山猿夜鳴人愁

慘雲色客意愧風聲羈恨雖多約俱是一傷情

和張丞奉詔於江都望京口

前人

回首觀濤處極望滄海涓流波去無恨喬木不勝悲蓬萊
雖已變池塘尚所思歸飛路窮此悵望情難持吾生乃民
季疇日佐藩維尚想西園夕猶懷北固時城邑繞辨處風
烟忽所之跂予未能已顧嘆空遲遲

入蜀秋夜宿江渚

陳子良

我行逢日暮彌棹獨維舟水霧一邊起林風兩岸秋山陰
黑斷磧月影素寒流故鄉萬里外何以慰羈愁

於塞北春日思歸

前人

我家吳會青山遠他鄉關塞白雲深為許羈愁長下淚那

堪春色更傷心驚鳥屢飛恒失侶落花一去不歸林如何
此日嗟遲暮悲來還作白頭吟

晚渡江津

李百藥

寂寂江山晚蒼蒼原野暮秋氣懷易悲長波淼難泝索索
風葉下離離早鴻度丘壑列夕陰葭莢凝寒露日落亭臯
遠獨此懷歸暮疑

散開晨度

王勃

關山凌旦開石路無塵埃白馬高談去青牛真氣來重門
臨巨壑連棟接崇隈即今楊策度非是棄繻回

邑楊早發

前人

飭裝侵曉月奔策候殘星危閣尋卅嶂回滌屬翠屏雲間

迷樹影霧裏失峯形復此涼飈集作商飈至空山飛夜螢

焦岸早行和陸四

前人

侵星違旅館承月戒征儔復嶂迷晴色虛巖辨岸流猿吟
山浦曉螢散野風秋故人渺何際鄉關雲霧浮

麻平晚行

前人

百年懷土望千里倦遊情高低尋戍道遠近聽猿聲集作泉聲
澗葉纔分色山花不辨名羈心何處盡風急暮猿清

深渡

夜宿主人依山帶江

前人

津塗臨巨壑村宇架危岑堰絕灘聲隱峯交樹影深江童
暮埋檝山女夜調砧此時故鄉遠寧知遊子心

長柳

前人

晨征犯烟磴夕息在雲間晚風清近壑新月照澄灣郊童
樵唱返津叟約歌還客行無舊識集作與晤賴此釋愁顏

泥溪

前人

彌棹凌奔壑低鞭躡峻岐江濤出岸險岸磴入雲危溜急
船文亂巖斜騎影移水烟籠翠渚山照落丹崖風生蘋浦
葉露泣集作法竹潭枝泛水雖云美勞歌誰復知

早行

楊炯 見集本

救朗東方徹闌干北斗斜地氣俄成霧天雲漸作霞河流
繞辨馬巖路不容車阡陌經三歲閭閻對五家露文沾細
草風影轉高花日月從來惜關山猶自賒

途中

前人 見集本

悠悠辭鼎邑去去指金墉途路盈千里山川亘百重風行
常有隊雲出本多峯鬱鬱園中柳亭亭山上松客心殊未
樂鄉淚獨無從

早度分水嶺

同用寒字

盧照隣

千集作丁年遊蜀道萬里集作嶼向長安徒費周王粟空彈漢

吏冠馬蹄穿欲盡貂裘故轉寒層冰橫集作橋九折積石凌

七盤重溪既下漱峻峯亦上千隴頭聞戍鼓嶺集作云外咽

飛湍瑟瑟松風急蒼蒼山月團傳語後來者斯路誠獨難

入秦川界

前人

隴坂長無極蒼山望不窮石徑縈疑斷回流映似空花開
綠野霧鶯轉紫巖風春芳勿遽盡留賞故人同

至陳倉曉晴望京邑

前人見集本

拂曙驅飛傳初晴帶曉涼霧飲長安樹雲歸仙帝鄉澗流
漂素沫巖景藹朱光今朝好風色延嗽極天莊

晚渡浮沔敬贈魏大

前人

津谷朝行遠冰川夕望曛霞明深淺浪風捲去來雲澄波
泛月影激浪聚沙文誰忍仙丹上携手獨思君

春日離長安客中言懷

集作春
齊早行

駱賓王

年華開早律霽色蕩芳晨城郭千門曉山河四望春御溝
通太液咸里對平津寶瑟調中婦金壘引上賓劇談推曼
倩驚坐揖陳遵意氣一言合風期萬里親自惟安直道守
拙忘因人談噐先蟠木圖榮異後薪欷歔悲路鬼鷓鴣切

集作
關

一作
雲

集作
集作非
集作柳
忘先不
偷愁

波神玄草終疲漢烏裘幾滯秦生涯無歲月岐路有風塵
還嗟太行道處處白頭新

曉度天山有懷京邑

前人

忽上天山望依然想物華雲疑天苑葉雪似御溝花行嘆
征蓬遠坐憐衣帶賒交河浮絕塞弱水沒流沙旅思徒漂
梗歸期未及瓜寧知心斷絕夜夜泣鳴笳

晚泊河曲

前人

三秋倦行役千里泛歸潮通波竹箭水輕舸木蘭橈金堤
連遠岸貝闕影浮橋水淨千年近星飛五老遙疊花開宿
浪浮葉下涼飈浦荷疎晚的津篠漬寒條恹惶勞梗泛悽
斷倦蓬飄仙槎不可託河上獨長謠

集作
路上
集作

集作
戎麾
集作
浸

集作
胡

集作
曲

集作
柳

晚渡黃河

前人

千里尋歸路一篙亂平源通波連馬頰迤水急龍門照日
榮光淨驚風瑞浪翻棹唱依聞集作臨風斷樵歌集作入聽喧

他集作

晚泊江鎮

前人

四運移陰律三翼泛陽侯荷香銷晚夏菊氣入新秋夜烏
喧粉蝶宿鴈下蘆洲海霧籠邊徼江楓送戍樓轉蓬驚別
渚徙徒橘恰離憂魂飛灞陵岸淚盡洞庭流振影希鴻陸逃
名謝蟻丘還嗟帝鄉遠空望白雲浮

早發諸暨

前人

征夫懷遠路夙駕上危巒薄烟橫絕壑集作輕凍澁圓湍

野霧連空暗山風入曙寒帝城臨灞涘禹穴枕江干橘性
行應化蓬心去不安獨掩窮途泣長歌行路難

至分水戍

前人

行役物離憂復此愴分流濺石回湍咽繁叢曲澗幽陰崖
常結晦宿莽競含秋况乃霜晨早寒風入戍樓

夕次集作晚泊蒲類

前人

二庭歸望斷萬里客心愁山路猶南屬河源自北流晚風
連朔氣新月照邊秋竈火通軍壁烽烟上戍樓龍庭但苦
戰燕領會封侯莫作蘭山下空令漢國羞

早發淮口回望盱眙

前人

養家分四瀆習坎奠三荆徙帝留餘地封王表舊城岸昏

涵蜃氣潮浦應鷄聲洲迥連沙淨川虛積溜明一朝從捧
檄千里倦懸旌背流桐栢遠逗浦木蘭輕小山迷隱路大
塊切勞生唯有貞心在獨映寒潭清

渡瓜步江

前人

捧檄辭幽逕鳴櫓下遺洲

集作鳴櫓下貴州

驚濤疑耀馬積氣似

連牛月迥寒

集作黃

沙靜風急夜江秋不學浮雲影他鄉客

集作空 滯留

途中有懷

前人

眷然懷楚奏悵矣背秦關涸鱗驚照轍墜羽怯虛彎素服
三川化鳥裘十上還莫言無皓齒時俗薄朱顏

望鄉夕泛

前人

歸懷剩

集作到

不安促榜把風瀾落宿含樓近浮月帶風寒

喜逐行前至憂從望裏寬今夜南枝鵲應無遶樹難

江行紀事二首

席豫

飄飄任舟楫回合傍江津後浦情猶在前山賞更新樹深
烟漠漠灘淺石磷磷川路難行遠淹留惜此辰

二

江帆春風勢山樓曙月輝猿攀紫巖飲鳥拂清潭飛古樹
崩沙岸新苔覆石磯津途賞無限征客斲忘歸

西還至散關答喬補闕

知之

陳子昂

歲蕤蒼梧鳳嘹啖白露蟬羽翰本非匹結交何獨全昔君
事胡馬余得奉戎旃携手同沙塞關河緬幽燕芳歲幾陽

止白日屢狙遷功業雲臺薄平生玉佩捐歎此南歸日猶
聞北戎邊代水不可涉巴江亦潺湲攬衣度函谷銜睇望
秦川蜀門自茲始雲山方浩然

宿空舸舫青樹村浦

前人

的的明月水啾啾寒夜猿客愁集作思浩方亂洲浦寂無喧
憶作千金子寧知九逝魂虛聞事朱闕結綬驚華軒委別
高堂夢集作愛窺覩明主恩今成轉蓬去嘆息復何言

度安海入龍編

沈佺期

我來交趾郡南與貫胸連四氣分寒少三光置日偏尉陔
曾馭國翁仲久遊泉邑屋遺昨在魚鹽舊產全集作傳越人
遙捧襪漢將下看鷲北斗崇山掛南風漲海牽別離頻破

月容鬢驟催年昆弟推由命妻孥割付緣夢來魂尚擾愁

委疾集作病空纏虛道崩城淚明心不恹天

十四時常從巫峽過他日偶然有思 前人

小度巫山峽荆南春欲分使君灘上甚早神女館集作廟前雲

樹悉江中兒猿多天外聞別來如夢裏一想一氛氲

夜宿七盤嶺

前人

獨遊千里外高卧七盤西山月臨窓近河天入戶低芳春
平仲綵集作綠清夜子規啼浮客空留聽棗城聞曙鷄

初達驩州

前人

自昔聞銅柱行來尚一年不知林邑地猶隔道明天雨露
何時及京華若箇邊思君無限慮堪作日南泉

自樂昌流至集作自昌樂白石嶺下行入彬州

前人

茲山界夷夏天險集作際橫寥廓太史漏登探文命限開鑿

北流自南瀉群峯回衆壑馳波如電騰激石似雷落崖留

盤古樹澗蓄神農藥乳竇何淋漓苔集作藓蘚更綵錯娟娟

潭裏虹渺渺灘邊鶴歲杪應流火天高雲物集作物薄金風

吹綠梢玉露洗紅籜沂舟始興屨登踐桂陽郭匍匐緣脩

坂穹窿曳長紵音作索也礙林徒集作阻往來遇堰每前却救艱

不遑食飯畢昏無託集作飯畢昏無暇滯谿寧足懼磴道誰

云惡我行湍險多集作山水山水集作湍險皆不若安能獨見聞

書此貽京洛

從崇山向越常集作序

前人

按九真圖崇山越常四十里杉谷起古崇山行谿從道明

國來於崇山二十五里合水欹缺藤竹明昧有三十峯夾

水直上千餘仞諸仙窟宅在焉

朝發崇山下暮坐越常陰西從杉谷度北上竹溪深竹溪

道明水杉谷古崇峯差池疑集作將不合繚繞復相尋桂葉

藏金嶼藤花閉石林天窓虛的的雲竇下沉沉造化功偏

厚真仙迹每集作累臨豈徒探怪異聊欲緩歸心

遙同杜員外審言過嶺

前人

天長地濶嶺頭分去國離家見白雲洛浦肝腸無用說崇

山瘴藹不堪聞南浮漲海鳶集作人何處北望衡陽鴈幾群

兩地春集作風光萬餘里何時重謁

聖明君

校一百六十六字五月二十四日

文苑英華卷第二百八十九

文苑英華卷第二百九十 詩一百四十二

行邁二

薛稷一首

李又一首

崔湜四首

杜審言四首

宋之問十九首

張說九首

蘇頲六首

寇泚一首

韋述一首

還京陝西十里作

薛稷

驅車越陝郊北顧臨大河隔河望鄉邑秋風水增波西登咸陽途日暮憂思多傳巖既紆鬱首山亦嵯峨操築無昔老採薇有遺歌客遊節回換人生能幾何

次蘇州

李义

洛渚問吳潮吳門想洛橋夕煙楊柳岸春水木蘭橈城邑南樓近星辰北斗遙無因生羽翼輕舉託還飈

景雲二年

唐書作景龍三年

余自門下平章事削階授江

州員外司馬尋拜襄州刺史春日赴襄陽途中言

志

崔湜

余本燕趙人秉心愚且直群籍備所見孤貞每自飭徇祿期代耕受任亦量力幸逢休明時朝野兩薦推一朝趨金門十載奉瑤墀入掌遷固筆出參枚馬調吏部既三踐中書亦五基進無負鼎說退慙補袞詩常恐嬰悔吝不得少酬私嗷嗷路傍子訥疑謗紛無已上動明主疑下貽大臣

耻毫髮顧無累冰壺貌

疑

自持天道何期平幽寃終見明

始佐廬陵

疑

郡尋牧襄陽城彤帟荷新寵朱黻蒙舊榮力

薄慙任重恩深知命輕飭徒留前路行子悲且慕猶聞長

樂鍾尚辨青門樹慈親不忍訣昆弟默相顧去去勿重陳

川長日云暮

至桃林塞作

前人

去國未千里離家已再旬丹心恒戀闕白首更辭親懷璧

常貽訓捐金詎得隣抱冤非忤物罹謗豈尤人不濫辭終

辨無瑕理竟申黻還中省舊符與外臺新塞上同遷客江

潭異逐臣淚垂非屬峴腸斷固由秦歲月行適盡山川難

重陳始知亭伯去還是拙謀身

襄陽作

前人

廟堂初解印郡邸忽腰章按節巡河右鳴騶入漢陽城臨
南峴出樹繞北津長好學風猶扇誇才俗未忘江山距七
澤煙雨接三湘蛟浦荷菱淨魚舟橘柚香醉中求習氏夢
衰憶襄王宅壞仍思鳳碑存更憶羊下車慙政美閉閣幸
時康多謝征南術于今尚不忘

襄城即事

前人

子牟懷魏闕元凱滯襄城冠蓋仍為里池臺尚識名山光
晴後綠江色晚來晴借問東流水何時到玉京

旅寓安南

杜審言

交趾殊風候寒暄復催仲冬山菓熟正月野花開積雨

生昏霧輕霜下震雷故鄉餘萬里客思倍從來

度石門山

前人

石門千仞斷迸水落遙空道束懸巖半橋欹絕澗中仰攀
人屢息直下騎纔通泥擁奔蛇徑雲霾伏獸叢星纏牛斗
北地脈象牙東開塞隨行變高深觸望同江聲連驟雨日
氣抱殘虹未改朱明律先含白露風堅貞所不憚險澁諒
難窮有異登臨賞徒為造化功

巖半

所不憚

經行嵐州

前人

北地春光晚邊城風氣寒往來花不發新舊雪仍殘水作
琴中聽山疑畫裏看自驚牽遠役艱險促征鞍

發湘江

前人

他日林亭非舊遊
今春花鳥作邊愁
自憐京國人南竄
不似湘江水北流

黃梅臨江驛

見二百九十七卷

宋之問

蚤發大庾嶺

前人

晨躋大庾險驛鞍
馳復息霧露晝未開
浩塗不可測嶠起
華夷界信為造化力
歇鞍問徒旅鄉關在西北
出門怨別家登嶺恨辭國
自惟勗忠孝斯罪情所得
皇明頗照洗廷議日紛惑
兄弟遠淪居妻子成異域
羽翮傷已毀童幼憐未識
踟躕戀北顧亭午晞霽色
春暖陰梅花瘴回陽鳥翼
含沙綠澗聚吻草依林植
適蠻悲疾首懷鞏淚霑臆
感酬鴛鴦朝勤脩魑魅職
生還儻非遠誓擬酬恩德

自洪府舟行直書其事

前人

仲春辭國門畏塗橫
萬里越淮乘楚嶂
造江泛吳汜嚴程無休隙
日夜涉風水昔聞垂堂言
將誠千金子問余何竒
剝遷窟極炎鄙揆已道德
餘幼聞虛白肯貴身賤外物抗
跡遠塵軌朝遊伊水湄
夕卧箕山趾妙年拙自晦
皎潔弄文史謬辱紫泥書
揮翰青雲裏事往每增傷
寵來常誓止銘骨懷林丘
逆鱗讓金紫安位釁潛構
退耕禍猶起栖巖實吾策
觸藩誠內耻濟濟同時人
台庭鳴劔履思以早目
衛元坐去沉滓迨茲理已極
竊位申知己群議負宿心
獲戾光華始黃金忽銷鑠
素業悉淪毀浩歎誣平生
何獨戀

登集作

論集居

集作無道德

揚集作

集作列坐位謂

粉梓浦樹浮鬱鬱臯庭覆靡靡百越去魂斷九疑望心死
未盡匡阜遊遠欣羅浮美周旋本師訓佩服無心理異國
多靈仙幽探忘年紀弊廬嵩山下空谷茂蘭芷悠悠南滇
遠採掇長已矣

自湘源至潭州衡山縣

前人

浮湘汭迅湍逗浦疑遠盼漸見江勢闊行嗟水流慢赤岸
雜雲霞綠竹緣溪澗向背群山轉應接良景晏沓嶂連夜
猿平沙覆陽鴈紛吾望闕客歸橈速已慣中道方泝洄遲
念自茲撰賴析衡陽美持以蠲憂患

蚤發韶州

前人

炎徼行應盡回瞻鄉路遙珠崖天外郡銅柱海南標日夜
晴明少冬春霧雨饒身經火山熱顏入瘴江銷觸影含沙
怒逢人毒草搖露濃看莽濕風颺集作颺覺船飄直禦魑將
魅寧論鴟與鷃鷃虞翻思報國許靖願歸朝綠樹秦京道青
雲洛水橋故園常在目魂去不須招

發藤州

前人

朝夕苦逆征孤魂長自驚沉舟依島泊投館聽猿鳴石髮
緣溪蔓林衣拂地輕雲峰刻不似苔壁畫難成露裛千花
氣泉和萬籟聲攀幽紅處歇躋險綠中行戀結芝蘭砌悲
纏松栢瑩丹心江北死白髮嶺南生魑魅天邊國窮愁海
外情勞歌意無限今日爲誰明

發端州初入西江

前人

集作
松楸

鷓鴣
是
集作

集作
昭

集作
朱陵

問我將何去清晨泝越溪翠微懸宿雨丹壑飲晴霓樹影
稍雲密藤輪覆水低潮回出浦駛洲轉望鄉迷人意長懷
北車行日向西破顏看鵲喜拭淚聽猿啼骨肉初分愛親
朋忽解携路遙魂欲斷身辱理能齊疇日三山意于茲萬
緒睽金陵有仙館即事尋丹梯

初宿淮口

前人

孤舟汴河水去國情無已晚泊投楚鄉明月青淮裏汴河
東瀉路窮茲洛陽西顧日增悲夜聞楚歌思欲斷集作
欲絕况
值集作
况復淮南木洛時

晚泊湘江

前人

五嶺栖遑客三湘顛顛顛况復秋雨霽表裏見衡山路逐

集作
鵬南

江南轉心依鴈北還唯餘望鄉淚更染竹成班

江南集作
鵬南

度大庾嶺

前人

度嶺方辭國停輶一望家魂隨南翥鳥淚盡北枝花山雨
初含霽江雲欲變霞但令歸有日不敢恨長沙

過蠻洞

林暗集作
村暗

前人

越嶺千重合蠻溪十里斜竹迷樵子徑萍匝釣人家林暗
交楓葉園香覆橘花誰憐在荒外孤賞足雲霞

下桂江縣黎壁

前人

放溜觀前淑連山紛上千江回雲壁轉天少霧峰攢吼沫
跳急浪合流環峻灘歌離出漩劃繞繚避渦盤舟子怯桂

集作
鄉外

集作
恨滿謫

集作
雁

集作水通明月
峽塞疎陣雲山

水最云斯路難吾死抱忠信吟嘯自閑安旦別已千載夜
愁勞萬端企予見外月委曲破林蠻潭曠竹煙盡洲香橘
露團豈傲夙所好對之與俱歡思君罷琴酌泣此夜漫漫
始安秋日
前人

桂林風景異秋似洛陽春晚霽江天好分明愁殺人卷雲
山解解碎石水磷磷世業事黃老妙年孤隱淪歸歟卧滄
海何物貴吾身
經梧州
前人

南國無霜霰連年見物華青林換暗葉紅蘂續開花春去
聞山鳥秋來見海槎流芳雖可悅會自泣長沙
蚤發始興江口至靈長村
集作虛北村
前人

候曉踰岡嶂乘春望越臺宿雲鵬際落殘月蚌中開薜荔
搖青氣枕榔翳碧苔桂香多露裊石響細泉回抱葉玄猿
嘯啣花翡翠來南中雖可悅北思日悠哉鬢髮俄成素丹
心已作灰何當首歸路行剪故園萊
鬢髮
集作髮
前人

下桂江龍目灘二首
前人

停午出灘險輕舟容曳前峯攢入雲樹崖噴落江泉巨石
潛山恠深篁隱洞仙鳥遊溪寂寂猿哨嶺娟娟揮袂日几
幾我行途已千暝投蒼梧郡愁枕白雲眠

二集作早入清遠峽州

傳聞峽山好旭日棹前沂雨色搖丹嶂泉聲聒翠微兩巖
天作帶萬壑樹披衣秋橘迎霜序春藤礙日輝翳潭花似

集作歸蜀

織綠嶺竹成圍寂歷還沙浦葱籠轉石圻露餘江未熱風
落瘴初晞猿飲排虛上禽驚略水飛榜童夷唱合樵女越
吟歸良候斯為美邊愁自有違誰憐望鄉國流涕失芳菲

入瀧洲江

前人

孤舟泛盈盈江流日縱橫夜雜蛟螭寢晨披瘴癘行潭蒸
水沫起山熱火雲生猿躩時能嘯鳶飛莫敢鳴海窮南徼
盡鄉遠北魂驚泣向文身國悲看鑿齒氓地偏多育蠱風
惡好相鯨余本巖栖客悠哉慕玉京厚恩常願答薄宦不
析成違隱乖求志披荒為近名鏡愁玄髮改心負紫芝榮
運啓中興立時逢外域清祗應保忠信延促付神明

望鄉絕句

前篇題已作漢江

見二百六十二卷 前人

蜀道後期

張說

客心爭日月來往預期程秋風不相待先至洛陽城

以下九篇竝見集本

喜度嶺

前人

東漢興唐曆南河復禹謀寧知瘴癘地生入帝皇州雷雨
蘇蟲蟄春陽放覺鳩迴汾炎海畔登降闕山陬嶺路分中
夏川源得上流見花便獨笑看草即忘憂自始居重譯天
星已卅周鄉關絕歸望親戚不相求棄杖枯還植窮鱗涸
更浮道消黃鶴去運啓白駒留江妾晨炊黍津童夜擢舟
盛明良可遇莫後洛城遊

至尉氏

前人

一作識
一作濯

夕次阮公臺嘯歌臨爽塏高名安足賴故物今皆改吾兄
昔茲邑遺愛稱良宰桑中雉未飛屋上烏猶在塗逢舊
吏城有同寮案望塵遠見迎拂館來欣待茲惠留千室友
于存四海始知魯衛間優劣想懸倍

過蜀道山

前人

我行春三月山中百花开披林入峭嶮攀磴陟崔嵬白雲
半峯起清江出峽來誰知高深意緬邈心悠哉

再使蜀道

前人

眇眇葭萌道蒼蒼蘗斜谷煙壑爭晦深雲山共重復古來
風塵子同眩望鄉日芸閣有儒生軺車倦馳逐青春客岷
嶺白露搖江服歲月鎮羈孤山川俄反覆魚遊戀深水鳥

長集作

遊戀喬木如何別親愛坐去文章國蟋蟀鳴戶庭蟪蛄網
琴筑

下江南夔州

前人

天明江霧歇洲浦棹歌來淶水逶迤去青山相向開城臨
蜀帝祀雲接楚王臺舊知巫山上遊子共徘徊

深渡驛

見二百九十七卷

前人

襄陽路逢寒食

前人

去年寒食洞庭波今年寒食襄陽路不辭著處尋山水祗
畏還家落春暮

巡邊在河北作

前人

去年六月西河西今年六月北河北沙場磧路何為爾重

蘇軾
輕生知許國，人生在世能幾時。壯年征戰髮如絲，會待安邊報明主。作頌封山也未遲。

興州山行

蘇頲

危途曉未分，驅馬傍江濱。滴滴泣花露，微微出岫雲。松梢半吐月，蘿翳漸移暉。屢客腸應斷，吟猿更使聞。

曉發興州入陳平路

前人

旌節指巴岷，年年行且巡。暮來青嶂宿，朝去綠江春。魚貫梁緣馬，猿奔樹息人。邑祠猶是漢，溪道即名陳。舊史饒遷謫，恒情厭苦辛。寧知報恩者，天子一忠臣。

行且巡

行集作按

曉發方騫驛

前人

傳置遠山蹊，龍鍾蹴澗泥。片陰長作雨，微照已生霓。鬢髮愁氛換，心情險路迷。方知向蜀老，偏識子規啼。

經三泉路作

前人

三月松花作春行，日漸賒竹鄣。山鳥路藤蔓，野人家透石。飛梁下尋雲，絕磴斜此中。誰與樂禪涕，語年華。

曉發濟膠川南入密界

前人

飲馬膠川上，傍膠南趣密。林遙鳥飛遲，雲去晴山出。落暉隱桑柘，秋原被花實。慘然遊子寒，風露將蕭瑟。

夜發三泉即事

前人

暗發三泉山，窮秋聽騷屑。北林夜鳴雨，南望曉成雪。祗詠北風涼，詎知南土熱。沙溪忽沸涓，石道乍明滅。宛若銀磧。

注集作注

行集作按

集作過險
不違殷

文苑英華 卷一百九十九

橫復如瑤臺結指程則所戀遇虞不違歇重續濡莫解懸
旌凍猶揭下奔泥棧楮上觀雲梯設搏頰羸馬頓回眸惴
人跌憧憧往復還心注恩腴切冉冉年將病力困衰息竭
天彭信方隅地勢誠斗絕忝曳尚書履叨兼使臣節京坻
有歲饒亭障無邊孽歸奏丹墀左騫能俟來哲

度塗山

寇泚

小年弄文墨不識戎旅難報一朝事鞞鼓策馬度塗山塗山
橫地軸萬里留荒服悠悠征旆遠駢駢一何速流月揮金
戈驚風折寒木行聞漢飛將還向臯蘭宿

晚度伊水

常述

悠悠涉伊水伊水清見石是時春向深兩岸草如積迢迢

望洲巖逶迤山直津陌新樹落疎紅遙原上新碧迴瞻洛陽
遠處有長江隔煙霧猶辨家風塵已為客登陟詩選多異
趣往來見行役雲起蚤已昏鳥飛日將夕光陰逝不借超
然慕疇昔遠遊亦何為歸來存竹帛

文苑英華 卷一百九十九

文苑英華卷第一百九十九

校正一百八十七字

五月二十四日汲井記

